

Newspaper	UTUSAN MALAYSIA
Date	02 JULY 2017

Mahathir 'pengacau' Pakatan Harapan?

UM - 2/7/2017

Pg. 5

KUALA LUMPUR 1 Julai - Kehadiran Tun Dr. Mahathir Mohamad dalam Pakatan Harapan yang diketuai DAP hanya akan mengundang gangguan, selain menimbulkan tanda tanya sama ada pembangkang gagal mencari pemimpin yang lebih baik selain daripada bekas Perdana Menteri itu.

Majalah mingguan antarabangsa, *The Economist* mendakwa, pada ketika Dr. Mahathir sedang bekerjasama dengan bekas musuh-musuhnya, bekas Perdana Menteri itu dilihat masih terbawabawa peranan sebagai pemerin-

tah selama 22 tahun apabila mengalami masalah untuk memohon maaf.

"Kebanyakan pandangannya masih ganjil. Pada Mei lalu, beliau memberitahu *Financial Times* yang beliau masih berpendapat bahawa kerajaan Amerika Syarikat (AS) dan Israel mungkin telah mengatur serangan 11 September 2001.

"Boleh tak pembangkang di Malaysia mencari pemimpin yang boleh diterima?" kata *The Economist* dalam ruangan pendapat yang dikeluarkan Khamis lalu se-

perti dipetik *The Star Online*.

The Economist mendakwa, penglibatan Dr. Mahathir bersama pembangkang tidak sepatutnya berlaku kerana tujuan utama gabungan parti pembangkang yang dibentuk pada akhir 1990-an adalah untuk menentang pemerintahannya.

"Ada kemungkinan usaha mengangkat Dr. Mahathir menggalas tugas utama akhirnya akan memaksa pembangkang untuk mempercayai teraju kepemimpinan yang lebih muda pada masa hadapan," katanya.

Majalah mingguan itu mendakwa, Pakatan Harapan berkemungkinan besar tidak akan memuktamadkan keputusan tentang siapa dalam kalangan mereka akan menggalas tugas sebagai Perdana Menteri.

"Sesetengah pihak daripada Pakatan Harapan dilihat gembira untuk berdepan dengan pilihan raya tanpa perlu memberitahu pengundi siapa yang akan mengetuai Malaysia jika mereka menang.

"Perkara itu kelihatan seperti pragmatik namun jelas menunjukkan kekalahan (bagi pihak pembangkang)," katanya.